



Inatsisartunut ilaasortaq
Naaja H. Nathanielsen (Inuit Ataqtigiit)
/maani

**Inatsisartunut ilaasortamut Naaja H. Nathanielsenimut, Inuit Ataqtigiit akis-
suteqaat**

Asasara Naaja H. Nathanielsen,

Whistleblowerimik aqqissuussineq pillugu ulloq 7. januar 2015 Naalakkersuisunut ar-
lalinnik apeqquteqaateqarputit. Apeqqtinnut qujavunga.

20. januar 2014
Suliap normua 2015-110239
All. Nr.1829065

Postboks 1037
3900 Nuuk
Oqarasuaat (+299) 34 50 00
Fax :+299 32 46 14
E-mail: oed@nanoq.gl
www.nanoq.gl

- 1. Naalakkersuisut 18. december whistleblowerimik aqqissuussinissaq pil-
lugu tusarniuteqarput. Taakkulu Namminersorlutik Oqartussani malerua-
gassatut atuuttussaallutik. Naalakkersuisut taamatut iliornermikkut isu-
maqarpat Inatsisartut 2013-imi ukiakkut ataatsimiinnerminni whistleblower
pillugu (imm. 86) akuerisaannut naapertuuttumik iliorlutik?**

Akissut:

Maleruagassat tusarniaassutigineqartut aallartinneqartussatullu eqqarsaatigineqartut
whistleblowerimik aqqissuussinerup atuutsinneqalernissaanut siullertut alloriarfiupput.
Taakku atuutsinneqassapput Namminersorlutik Oqartussat qitiusumik allaffeqarfiani ta-
assumalu immikkoortortaqaafiini. Taamatut iliortoqarpoq aqqissuussap allaffissorner-
mut inuiaqatigiinnilu aningaasaqarnikkut pissutsinut naleqqussarneqarnissaat siu-
nertaralugu Whistleblowerimik atuutsitsinermik misilittagaqalerniarluni. Whistlebloweri-
mik pilersitsinissamut suliniuteqarneq pissaanermik atornerluisinnaaneq aamma pisortat
aningaasaataannik atornerluisinnaaneq pinngitsoortinniarlugu suliniutissanut 2014-
2018-imut Naalakkersuisooqatigiit isumaqatigiissutaanni oqaatigineqartunut tunngatil-
lugu isigineqassaaq.

- 2. Qinigaaffik nutaaq pineqaraluartoq taamaattoq whistleblowerimik aqqis-
suussineq pillugu 2013-imi ukiakkut ataatsimiinnermi siunnersuutigi-
neqartup (immikkoortup 86-ip) oqaasertai Naalakkersuisut naammassinia-
lersaarpaat?**

Akissut:

Suliassaqarfik annertunerusumik ingerlatsivimmi suliffeqarfinniluunniit namminersortuni
misiligarneqarsimanngitsoq pineqarpoq. Naalakkersuisooqatigiit isumaqatigiissutaanni
takuneqarsinnaasutut suliassaqarfiuvoq aqqissuussamik misilittagaqariartorneq iluti-
galugu ingerlaavartumik ineriartortinneqarusuttoq aamma tassunga inatsisitigut periar-
fissanik nalilersuiffiusarniarloq.

- 3. Whistleblowerimik aqqissuussinermik eqqussinissamut piuminaalli-
sitsisunik imaluunniit kinaassutsimik isertuussinissamut ajornarsitsis-
isunik inatsisinik malittarisassanillu Naalakkersuisut paasisaqarpat?
Taamaappat inatsisit malittarisassallu tamakku Naalakkersuisut allanngor-
tilersaarpaat?**

Akissut:

Pisortani Oqartussaasut Nalunaarsuiffii pillugit inatsit nr. 294 8. juni 1978-imeersoq inuk pillugu paasissutissanik nalunaarsuinissamat killiliingilaq. Tamanna whistleblowerimik aaqqissuussinermut atatillugu paasissutissat ilaannik ingerlatitseqqiinissamat akornutaasinnaavoq. Inuk pillugu paasissutissanut tunngatillugu killiliinerit nalilersorneqarput Inatsit nr. 294 8. juni 1978-imeersup inummut paasissutissat pillugit inatsisip ullutsinnut naleqqunnerusunngorlugu allanngortinneqarnissaanik eqqarsaateqarneq ilutigalugu. Whistleblowerimilli aaqqissuussinissaq suli pilersinneqarsinnaavoq, tassa paasissutissanik allanik, soorlu immikkoortortami ingerlatsinerup isumagineqarnera pillugu ingerlatitseqqiisoqarsinnaammat. Pisortatut oqartussaasut saaffiginnissummik tigusaqarpata paasissutissat Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq malillugu allagaatinik takunninnissamik piumasaqaammut attuumassuteqassapput. Akerlianik pisortatut oqartussaasut saaffiginnissut kimik nassiunneqarsimanersoq sukkulluunniit takusinnaangippassuk, soorunami pisortat tamanna pillugu paasissutissiisinnaangillat. Taamaammat nalunaaruteqartoq kinaassutsiminik isertuusserusuttoq paasissutissinneqarsinnaassaaq, tassa Naalakkersuisut ilisimammassuk ingerlatseriaatsit tamatumingga ikorfartuisut inersarneqarsimammata. Ingerlatseriaaseq taama ittoq whistleblowerimik aaqqissuussap pilersinneqarneranut atatillugu nalilersorneqarlunilu atuutsinneqalissaaq. Tamanna tunngavigalugu inatsisunik maleruagassanillu allannguinnissaq pisariaqassanngilaq.

- 4. Suna pissutaava oqartussaasut avataaneersut pinnagit Naalakkersuisut siunnummassuk Naalakkersuisut Kukkunersiuisoqarfiata whistleblowerit saaffiginnissutaannik tiguisartussaananeramik aaqqissuussineq atorneqasasooq? Suna pillugu oqartussaasut avataaneersut atorumaneqarsimannngillat?**

Akissut:

Naalakkersuisut Kukkunersiuisoqarfia immikkoortortaavoq siunertamut naapertuuttumik whistleblowerimik aqutsinnaasutut nalilerneqartoq. Naalakkersuisut Kukkunersiuisoqarfia ullumikkutut nammineerluni iliuuseqartarsinnaavoq. Tamanna naammattutut nalilerneqarpoq. Tamanna ilutigalugu aaqqissuussamik pilersitsineq aningaasaqarnermut annertunerusumik kinguneqassanngitsoq naatsorsuutigineqarpoq. Qulaani pineqartut pissutigalugit oqartussaasut avataaneersut atorneqannginnissat aalajangiunneqarpoq.

- 5. Allassimavoq whistleblowerip kinaassutsiminik isertuusserusunnera Naalakkersuisut Kukkunersiuisoqarfiata ataqqisassagaa, "tamanna tamakkununnga tunngasuni inatsisitigut malittarisassanit atuuttunit allaanerunngippat" (siunnersuummi § 2, imm. 2). Naalakkersuisut paasinninerat imaannerpa, inatsisit atuuttut innersuussutigalugit, whistleblowerip kinaassusianik isertuussinissaq ajornakusoortariaqartassasooq?**

Akissut:

Apeqqutit pingajuannut akissummi takuneqarsinnaasutut kinaassutsimik isertorluni saaffiginninneq isumagineqarsinnaassaaq. Pineqartorli saaffiginnissummik nassiussisutut ilisimaneqarpat imaluunniit nammineq takkulluni saaffiginnippat allagaatinik takunninnissamik qinnuteqarnermi kinaassutsimik isertuinissaq atorneqarsinnaanngilaq.

- 6. Siunnersuutip Namminersorlutik Oqartussat tusarniaanernut nittartagaanut ilineqarsimannginneranut suna pissutaava? Naalakkersuisut paasin-**

**ninnerat imaannerpa siunnersuut Naalackersuisut toqqartumik tusarniaaf-
figisaasa saniatigut allanut attuumassuteqanngitsoq?**

Akissut:

Whistleblowerimik aaqqissuussinerup pilersinneqarnissaanik siunnersuut allaffissornik-
kut siunnersuutaavoq, tamannalu pissutigalugu Inatsisartuni suliarineqartussaangim-
mat nittartakkamut ilineqarani. Naalackersuisut naliliinerat malillugu kattuffiit pisortatullu
oqartussaasut suliamut attuumassuteqartut siunnersuummut nassuiaatinik nassin-
neqarput. Aaqqissuussap sapinngisamik ammasumik ingerlanneqarnissaa kissaatigi-
neqarpat, apeqqut tunngavigalugu siunnersuut Namminersorlutik Oqartussat nittar-
tagaannut ilanngunneqassaaq.

Inussiarnersumik inuulluaqqusillunga



Andreas René Uldum